

مجموعه ابو الخضر

ماسوا شائبه سندن دلی تطهیرہ چالش
بر تو حکمت و عرفان الہیہ تویرہ آتش

علوم و معارف دین بحث ابدیہ و ہر ماہ عربی ابتدا سیلہ اون ہشتندہ نشر اول نور مجموعہ عدد در.

جزو ۳۱ - جلد ۳ [فی غرہ ربیع الآخر سنہ ۱۳۰۰] [نصفہ سی ۳ غروش

ایچون خلق اولمشدر . نه قدر مدنی ، نه قدر ذکی ، نه مرتبه درده
حقایق شناس بر یهودی اولورسه اولسون حین صباوتندن بری پدر
ومادری طرفندن سمعه القا ایدیلان بو درلو موعظه لر قلمبنده بر نهال
اعتقاد پیدا ایتکله کندیسيله برابر بیویه بیویه نهایت بردوحه قویه
الاغصان حکمنی بولور . بناء علیه بر کره کوکشمش اولان بو شجره
اعتقادک نه تنباد معرفت ونه ده کردباد مدیتله خلع واستیصالی قابل
اولدیغندن اک حق شناس طانیدیغمز بر یهودی بيله صره سنی دوشور-
دکجه منافع ذاتیه اوغورنده هر درلو خاطره انسانیت لازمه فضیلتی
ترك ایتکدهدر .

هله فضائل انسانیهدن تمایله بخبر اولانلری - چونکه اعتقاد
لرنجه یهودی یرادلیانلرک یدنده بولنان ثروت ونقود ذاتاً یهودیلرک
اموالندن معدود اولمسنندن - مشروع ونامشروع هر نه صورت
وطریق ایله اولورسه اولسون اموال ناسدن استفاده بی مظفرباتدن
شمار ایتکده وبوسبيله هر درلو وسائط خسیسه وردیشه نک استعمالنی
صواب عد ایتکدهدرلر . ایشته فانضجیلک ، مراتبجه جلیق واعمال
دسایس وخیل هب بواعتقاد نتایجندن وکندیلرینک اوغرا دقلری
حالات متأسفه ایسه او اعمالک اجناسندن اولدیغنی بی اشتباهدر .

آلات کتابت

[مابعد عن جزؤ ۳۰]

حتی بعض کتابلرک روایتنده نظراً بومثلاًو کوموش قلمر ده
برچوق اماکن روحانیده استعمال اولمشدر .
اون دردنجی عصرده بعضاً حدید و بعضاً دخی نحاسدن
معمول قلمر قوللاندیغنی فقره آیه تاریخیه ایله مستدلدر .
[روبه رت دارطوآ] نامنده ذادکاندن بری بعض آمال غیر

مشروعه به نائل اولق یچون برطاق اوراق مهمدی بر ساخته کاره تقلید
ایتدیرمش و مؤخرأ فعل تقلید میدانه چیه قوبده کندیزی تحت استنطاقه
آلندقده یازدیردیغی اوراقک پرنجندن معمول بر قلم ایله تقلید ایلدیکنی
بیان ایتشدیر .

اون آلنجی عصرده دخی معدندن معمول قلمر مجهول
اولماقله برابرأ نادرأ استعمال اولنور ایدی . او عصرده کتب دینه
استنساخیه کسب اشتهار و بر قاج دفعه مذهبی تبدیل مسلکسرلکنی
اظهار ایدن [ژوست - لپس] نام شخص ۱۶۰۶ سنه سنده یازدیغی
وصیتنامه ده مدت عمرنده تحریر ایلدیکی کتب دینه ده استعمال ایلدیکی
سیمدن مصنوع قلنی بردوستنه اهدا ایلدیکنی قید ایتشدیر .

اون یدنجی عصر ابتدالنده کوموش قلمر ایجه رواج بولغه
باشلامشدر؛ حتی او عصرک آثارنده بویاده خیلی معلوماته تصادف
اولنور . چلیکدن معمول قلمرک دخی اون یدنجی عصر اوائلنده
استعمال اولمغه باشلامش اولسی ملحوظدر . چونکه [وارتبورغ]
کوشکنده کی آثار بدیعه [موزه] سنده بولنان و ۱۶۱۴ سنه سنده اعمال
اولندیغی معلوم اولان بر قاجی بوطنی تأیید ایدر . مذکور چاقی متعدد
قلمراشلر ایله چلیکدن مصنوع برقلی و برده حقه بی شاملدر .

فرانسه ادباسندن [هانری مازر دولاتور] « افشا ایدلمش
استبداد » عنوانیه مادام دو بومپا دور علیهنده یازدیغی اثرده دیرکه:

« باستیل (*) محبسنده بعض کتاباری اشترا و حبسخانه مدیرینک
نظر تفتیشندن یکسکدن صکره مطالعه ایتمکله مساعده اولمش

(*) فرانسه حکومتک حبسخانه سی ایدی که عصر سابق اوخرنده قبل
انقلاب اهالی طرفندن احراق و سنده لجه دروننده گرفتار عقوبت اولان مظلومین
اهالی بووجهله آزاد ایدلمشدر .

اولسندن صانون آلدیغم کتابلری اثنای مطالعه ده حاصل اولان بعض ملاحظاتی کتابک سطرلری آره سنه یازمق ایسته دم .

قلم اولدیغندن اوتنه دن بری محبوب سینک قوللاندقلری و جمله [سازان] بالغنک قیلمچیله یازمغه تشبث ایلدم ایسه ده مطبوع بر کتابک سطرلری آره سنه بونکله تحریر قابل اولمیه جغنی آکلادم ؛ بناء علیه دیگر برواسطه ده مراجعت ایتدم ؛ ایکی ساتتک بر باره آلهرق بر کاغذ اینجه لکنه کتیرنجیه قدر دو کدم ؛ بعده آنی بو کدرک مکمل بر قلم یایمغه موفق اولدم .

« لیور دو قومود » نام ائرده محرر اولدیغی اوزره ۱۶۹۲ سنه - سنه [دالش] نام کیسه پارسده [سن - دن] سواقاغنده وقرالجه چشمه سی یاننده کندی اختراعی اولق اوزره چلیکدن معمول بر نوع قلم صانار ایش . لکن اوتاریخده انکله زده دخی بو کبی قلملر اعمال اولدیغنه بر چوق دلائل واردر .

دوققور [لیستر] پک اسکی بر قلی تعریف ایلدیکی صره ده مذکور قلمک اوجی ایکی یه آیرلمش (یعنی شق آچلمش) اولدیغنی بیان ایله دیور که « بزبو کونکی کونده قلملری کومشدن و آلتوندن و یا خود یالیزی کومشدن اعمال ایدیورز . لکن بونلرک جمله سی [آلاستیستیه] (یعنی اسنهمک) خاصه سندن محروم اولدقلرندن چلیکدن و یافاز تویندن اولان قلملره معادل اوله میور .

انجهن علوم اعضاسندن موسیو آندره دالش نام ذات چلیکدن معمول قلملرک زمان اختراعی اکرچه اون آلتنجی عصره تخصیص ایش ایسه ده محقق اولهرق معلومدر که هاکنه اربابنندن فرانسر [آرنو] بو قلملری ۱۷۵۰ سنه سنده [روان] شهرنده ایجاد ایشدر . مومی الهک اثر اختراعی اولان قلملر مکمل بر آلاستیستیه یه مالک اولد . قلملری کبی فاز تویی قلمک نقش ایده جکی خطلردن ده کوزل صورتده

رسم خطوط ابتدا کارندن خلیجی رغبت بولمیشلردور. باخصوص بوقلمار کثرت تحریر ایلله مشغول اولانلاری ایکیده برده قلم یوتوق کلفتشدن قورتارمیشدر.

غاریئل پنیو « ادبی انکلیجدر » نامنده کی اثرنده معدن قلملرک ایجادینی [ویز] اسمنده برانکلیزه اسناد ایتشدر.

۱۷۷۶ سنه سنده پارسده ترتیب ونشر اولنان « لغت صنایع » اختراعاتی تعداد صره سنده چلیکدن معمول قلملری دخی شو صورتله تعریف واعلان ایتشدر :

« انکلیتره نک چلیکدن معمول قلملری پک کوزل یازدقاری کی هیچده پاسلانمزله . »

بونکله برابر معمولات میچوئه پک محدود اولمشندن تعمیده مامش ایدی . وبوقلماری سهولتندن استفاده ایچون دکل محضا برهوسده اتباعاً اشترا ایدرلر ایدی .

معدنی قلم اعمالنه مخصوص اولان فابریقه الک اول انکلیتره نک (بیرمینقام) شهرنده تأسیس ایدلمیشدر . فقط مخصوصلاتندن مستفید اوله . مامغله برآز صگره تعطیل ایتشدر .

نهایت ۱۸۲۰ سنه سنه طوغری لوندرهلی (جیمس پر) نام ذات قلملرک صورت اعمالی حقنده بعض اصلاحات اجرا ایتکله معدندن معموک قلملر رواج بولمغه باشلامش وممالک سائرده رقبیلری پیدا اولنجیه قدر یعنی برچوق سننلر ممالک متدنه نک کافه سنه قلم ارسال ایش والیوم ایتکده بولنمشدر .

اتوز سنه واردرکه فرانسه ده وآلمانیا ده قلم فابریقه لری تأسیس ایدلمش وبرآز اشتغال وتجربه دن صکره جمله سی مظهر موفقیت اولمشدر .

۱۰۸۲ و ۱۸۲۰ سنه‌لرنده فرانسه‌ده قلم اعمالی ایچون پارسلی
(بووییه) ایله [بارته‌لو] و [ده‌ژه-نون] طرفلرندن متعدد تجربه‌لر
اجرا اولمش ایسه‌ده فرانسه‌ده ایلك قلم فابریقه‌سی ۱۸۴۷ سنه‌سنده
موسیو [پور] ایله موسیو [بلانزی] طرفلرندن (بولوین-سور-مر)
نام قصبه‌ده تأسیس ایدلمشدر. بو فابریقه اودرجه‌یه قدر ترقی ایتشدر که
عموماً فرانسه‌یی انکلتزه قلمرینه احتیاجدن قورتاردقدن بشقه انکلیز
فابریقه‌لریله رقابته بیله باشلامشدر.

شمدیکی حالحه فرانسه ایله انکلتزه‌ده اولان قلم فابریقه‌لرندن
بشقه بری برلین ده و دیگر ی نیوروقده اوله‌رق ایکی باب فابریقه
موجوددر.

معدنی قلملر اکثر یا چلیکدن اعمال اولنور؛ فقط آلتون و کوش
و پلاتین دن دخی اعمال اولندقلری وارددر. (وولتر) آلتون و یا
کومشیدن معمول قلملردن پک خوشلانیردی. (سیره‌ی) ده ایکن
احباسندن موسیو [تیریویه] یازدیغی بر مکتوبده شو یله بر سوزی
مندرجدر :

«پاره‌کز وار ایسه بکا آلتون قلملردن کوندرکز! آرتق سزه
توی قلمله مکتوب یازمقدن اوصاندم.»

بعض کره‌ده بو قلملرک اوجا لرینی آشیتمقدن محافظه ایچون
[ایریدیوم] و یاخود [یاقوت] ایله تجمیر و تحکیم ایدرلر. یاقوتلی
قلملری ابتدا ۱۸۴۰ سنه‌سنده لوندره‌لی موسیو [دوغتی] ایجاد ایش و بو
قلملر فرانسه‌یه ۱۸۴۳ سنه‌سنده پارسلی موسیو [مالات] واسطه‌سیله
ادخال ایدلمشدر. یاقوت یرینه ایریدیوم ایله تجمیر ایدن دخی موچی‌ایله
موسیو مالاندر.

[ما بعدی کله جک جزوده]